



"بر دعوه تشكوغ جواب برسام"

الْحَمْدُ لِلَّهِ الْقَائِلِ: وَمَنْ أَحْسَنُ قَوْلًا مِّمَّنْ دَعَا إِلَى اللَّهِ
وَعَمِلَ صَالِحًا وَقَالَ إِنِّي مِنَ الْمُسْلِمِينَ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَأَصْحَابِهِ أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى:
يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا
وَأَنْتُمْ مُسْلِمُونَ.



سید غ جمعة یغ درحمی اللہ،

سای میرو اکر کیت برسام-سام منیغکتکن
کتقوان کیت کقد اللہ سبحانہ وتعالی دغن
ملقساناکن سکالا قرینتھن دان منیغکلکن
سکالا لارغنش. ماریلہ کیت ممقربایقکن ذیکیر
کقد اللہ سبحانہ وتعالی دان ممقربایقکن
صلوات سرتا سلام کآتس جونجوغن بسر نبی
محمد p دسمقیغ سنتیاس براوسها ملقساناکن
سکالا سوروهنن دان سکالا سنهن. موده-
مودهن ایاث اکن ممبریکن منفعة کقد کیت
ددنیا دان دأخیره.

خطبة هاری این اداله برتاجوق "بردعوه
تغکوئجواب برسام".



سيد غ جمعة يغ درحمتي الله،

بردعوه دجالن الله سبحانه وتعالى اداله
مروفاكن سواتو كواجيثن دان عمل عبادة يغ
قاليع بايق جك دبنديغكن دغن عمل ٢ عبادة
يغ لاءين. اين ممدغكن توكس بردعوة اداله
ساتو-ساتون توكس اوتام يغ دلقساناكن اوليه
قارا رسول يغ تله داوتوسكن اوليه الله سبحانه
وتعالى كقد اومت مائسي.

فرمان الله سبحانه وتعالى دالم سورة المائدة

اية 67؛

﴿ يَا أَيُّهَا الرَّسُولُ بَلِّغْ مَا أُنزِلَ إِلَيْكَ مِنْ رَبِّكَ وَإِنْ لَمْ
تَفْعَلْ فَمَا بَلَغْتَ رِسَالَتَهُ ^ج وَاللَّهُ يَعْصِمُكَ مِنَ النَّاسِ ^{قل}
إِنَّ اللَّهَ لَا يَهْدِي الْقَوْمَ الْكَافِرِينَ ﴿٦٧﴾



"واهاي رسول! سمقايکنله اف یغ تله
دتورونکن کقدامو درقد توهنمو؛ جک اغکاو
تیدق ملاکوکنش (دغن میمقايکن سموان)، مک
برمعنی اغکاو تیدقله میمقايکن رساهن؛ الله
جواله اکن مملیهارامو درقد (کجاهتن)
ماءنسی. سسوغکوهن الله تیدق ممبری فتونجوق
کقد قوم یغ کافیر".

ایة ترسبوت جلس منونجوقکن بهاوا الله
سبحانه وتعالی ملارغ رسول الله درقد
میمبوپیکن اف جوک علمو دان شریعة یغ تله
دوحوکن اولیه الله سبحانه وتعالی کقدان.
بهکن منجادی تغکوغجواب کقدان اونتوق
میمقايکن اسلام دان معاجق ماءنسی معبدیکن
دیری هاش کقد الله سبحانه وتعالی. تریات



توکس دعوه این تیدقله ترهنتی ستاکت کوفاتن
بکیندا رسول الله ﷺ، سبالیقن ای منجادی
تغکوغجواب کیت قولاً سباکای اومتش اونتوق
منروسکن توکس دعوه این اکر مائسی تیدق
ترسست درقد لندسن الله سبحانه وتعالی.

تغکوغجواب بردعوه بوکن هاش ترلتق
دباهو قارا قندعوه اتاو قارا الیم علماء سهاج،
بهکن ایاش منجادی تغکوغجواب ستیاف
مسلم یغ مٹاکو برایمان کقد الله سبحانه وتعالی
دان جوک هاری اخیرة. ستیاف ایندیویدو
مسلم ممقوپائی قرانش یغ ترسندیری دالم میدن
دعوه سام اد مریک سباکای قتانی، قکاوای،
ارتیس، قمیمقین مشارکت اقاته لاکنی سباکای
قمیمقین نکارا. قیندیق کات، اف جوک



جاوتن اتاو کدودوقن مریک، توکس دعوه این
سام سکالی تیدق بولیه دتیغکلکن.
حدیث درقد عمرو ابن العاص رضی اللہ
عنه بهاوا رسول اللہ ﷺ برسبدا؛

بَلِّغُوا عَنِّي وَلَوْ آيَةً.

"سمقایکنله اف ۲ درقداکو والاقون ساتو
ایة".
(روایة البخاری)

سیدغ جمعة یغ درحمی اللہ،

برباکای-باکای چارا بولیه دکوناکن اونتوق
کیت منونایکن تغکوغجواب بر دعوہ،
برسسواین دغن قرایدرن زمان یغ سماکین
منچابر قد هاری این. دعوه ماس کینی تیدق
لاکئی سقدر چرامه اتاو کلیه ۲ دمسجد سهاج،



بهکن اياش ملغكاوي دنيا تنقا سمقادن دغن
قغكونان الت ۲ تيكنولوكني سقرتي تيليفيشين،
اينترنيت، ميديا چيتق دان سباكاش. كمودهن ۲
سقرتي اين بوليه دكوناكن سباكاي قرانتاراءن
اونتوق مپمقايكن ميسيج دعوه. كولوغن
قغكيات سني مپمقايكن، بوليه مپمقايكن ميسيج
دعوه مريك مالوئي سالورن تيليفيشين. مريك
بوليه منربيتكن چرپتا يغ ممقوپائي عنصور ۲
دعوه دان نصيحت ۲ يغ بائيق اونتوق
دساجيكن كقد قارا قنونتون. مريك جوك بوليه
منربيتكن رانچغن ۲ هيپورن يغ داقت منديديق
جيوا انق ۲ مودا سلنجوتش مندكتكن ديرى
مريك كقد الله سبحانه وتعالى.



مانا کالای مریک یغ تیدق ممقوپای کممقوان
این سام اد کولوغن فکر جا، قمیقین ۲
مشارکت دان لایین ۲ بولیه معکوناکن
قرانتارائن اینترنیت، میدیا چیتق دان سباکایش
اونتوق میمقایکن میسیج دعوه مریک. اف یغ
قنتیغ، چارا یغ دکوناکن مستیله سسوی دغن
کولوغن ساسر دعوه اکثر اف یغ دسمقایکن
اکن منجادی لبیه برکسن.

اف یغ دکسلکن، کمودهن ۲ یغ بائیق این
تله دسالهکوناکن اولیه سستغه قیهق اونتوق
قرکارا ۲ یغ تیدق منداتغن سبارغ منفعة کقد
دعوه اسلام ملالوئی میدیا قپیارن یغ تله
دسالهکوناکن اونتوق مپیارکن چریتا ۲ خرافه
دان تحیول سرتا چریتا ۲ یغ مروسقکن مورل



انق ۲ رماج. ميديا چيتق دان اينترنيت قوللا تله
دسالهکوناکن اونتوق مپيارکن بریتا ۲ فتنه،
چاچي-منچاچي، ماكي-هامون دان سباکانش
سهيغک منجاتوهکن مرواه اورغ ۲ يغ تيدق
برسالة. قپالهکونان سفرتي اين مستيله
دقربتولکن اکر مشارکت عموم داقت مغمبيل
منفعة يغ بائيق حاصل درقد کماجوان
تيکنولوکي يغ اد اين.

سيدغ جمعة يغ درحمتي الله،

سلائين درقد قغکونان ميديا تيکنولوکي،
ترداقت جوک چارا ۲ لائين يغ بوليه دکوناکن
دان ممقو ممقغاروهي کبرکسنن دعوه ماس
کيني. انتاراش اياه دغن منونجوقکن چونتوه
تلادن دان اخلاق يغ بائيق کقد اورغ لائين.



سسو غکو هن، بودی فکر تی دان اخلاق یغ باءیق
اداله مروفا کن اسیت فنتیغ باکی ستیاف
ایندیویدو مسلم یغ دافت دفر تاروهکن اونتوق
مناریق اورغ لائین معحیاتی اجرن اسلام یغ
سبیرن. رسول الله ﷺ سنڊیری تلهقون
مبوقتیکن کقد کیت سموا، بهاوا دغن اخلاق
یغ باءیق، بکیندا تله دافت ملمبوتکن هاتی
بغسا عرب اونتوق مغانوت اجرن اسلام یغ
دسیبارکن کتیک ایت. کباءیقن اخلاق رسول
الله ﷺ این تله دفر جلسکن اولیه الله سبحانه
وتعالی ملالوئی فرمانش دالم سورة الأحزاب ایه
21؛

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ
يَرْجُوا اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا ﴿٢١﴾



"سسوغکوهن، باکي کامو قد ديري رسول
الله ايت موديل ايکوتن يغ بائيق، ياءيت باکي
اورغ يغ سنتياس متهارقن (کريضاءن) الله
دان (بالسن بائيق) هاري اخيرة، سرتا دي قولاً
بايق مپوت دان مغيثي الله".

لنترن ايت، اونتوق ممنتوق اخلاق يغ بائيق
قولاً مستيله دغن اوسها دان لاتيهن يغ
برسوغکوه-سسوغکوه. اين کران اخلاق يغ
بائيق تيدق اکن مرشف کدالم جيوا مائسي
ملاءينکن باکي اورغ يغ تله ممبياساکن ديري
مريک دغن قربواتن ۲ يغ بائيق.

سيدغ جمعة يغ درحمتي الله،

قرکارا يغ قنتيغ جوک دالم کيت ملقساناکن
تغکوغجواب دعوه اين، مستيله دلاکوکن دغن



قنوه بر حکمه. این کران اف سهاج قربواتن یغ
کیت لاکوکن دالم کأداءن بر حکمه اکن
منداتغکن بایق کباءیقن کقد دیری کیت دان
جوك اورغ لاءین. چونتوهش جباتن اکام اسلام
سلاغور (جاءیس) تله ملقساناکن ببرااف
قروگرام اونتوق بر دعوه سقرتی کرنیول
(karnival) مسرا مسجد دان کرنیول سوکن.

فرمان الله سبحانه وتعالى دالم سورة آل-
عمران اية 159؛

فَبِمَا رَحْمَةٍ مِّنَ اللَّهِ لِنْتَ لَهُمْ^ص وَلَوْ كُنْتَ فَظًّا غَلِيظًا^ص
أَلْقَلْبِ لَأَنفَضُوا مِن حَوْلِكَ

"مک دغن سبب رحمة (یغ ملیمقه-لیمقه)
درقد الله (کقدامو واهای محمد)، اغکاو تله



برسيكف لمه-لمبوت كقد مريك (صحابه-
صحابتمو)، دان كالاوله اشكاو برسيكف
كاسر لاكي كرس هاتي، تتوله مريك اكن
منجاءوهكن ديري درقد اشكاو".

مغكوناكن حكمه دان كييجقسانان دالم
ملقسانانكن توكنس دعوه اداله امت دتونوت
اوليه الله سبحانه وتعالى سباكيمان يغ داقت
دفهمي ملالوئي اية دأتس. انتارا حكمه ترباءيق
يغ ممقو ممبريكن كسن دالم توكنس دعوه اياله
دغن مغكوناكن فركاتان ۲ يغ بائيق سرتا ممقو
ميرف كدالم جيوا اورغ يغ مندغرث. كران
ايتوله نبي موسى عليه السلام تله مموهون كقد
الله سبحانه وتعالى اكر دانوكرهكن كقداث
ليسن يغ بائيق دغن هارغن سوقايا دعوهش



داقت دتریمما اولیه فرعون دان قغیکوت-
قغیکوتش. دعاء بکیندا این تلهقون دراقمکن
اولیه الله سبحانه وتعالی دالم القرءان ملالوئی
فرمانش دالم سورة طه ایه 25-28؛

قَالَ رَبِّ اشْرَحْ لِي صَدْرِي ﴿٢٥﴾ وَيَسِّرْ لِي أَمْرِي ﴿٢٦﴾
وَاحْلِلْ عُقْدَةَ مِنِّي لِسَانِي ﴿٢٧﴾ يَفْقَهُوا قَوْلِي ﴿٢٨﴾

"نبي موسى بر دعاء: "واهاي توهنکو،
لا قغکنله بائیکو دادا کو، دان مودهکنله بائیکو
توکسکو، دان لقسکنله کاکاوان دري
لیدهکو، سوقایا مریک فهم قراکاتانکو".

بر دعوه دغن مئگونناکن قراکاتان یغ بائق
این سمیمغن دافت دلاکوکن اولیه کباپقن
مشارکت ملایو اسلام یغ اد دتانه ائیر کیت.



اين ڪران مشارڪت ملايو اسلام ڪيت سميمڻ
تله ترڪنل دڻن بوي بهاس دان ڪسوقنن يڻ
امت تيڻگي. جوسٽرو، امتله مالڻ جڪ بودايا
يڻ تله لام ترسمت دالم جيوا مشارڪت ملايو
اسلام ڪيت اين تيدق دمنفعتڪن دڻن سباءيقنن
اونتوق ملقساناڪن تڻگوڻجواب بردعوه
دجالن الله سبحانه وتعالى .

سيدڻ جمعة يڻ درحمتي الله،

سسوڻگوهن تڻگوڻجواب بردعوه اداله
مروفاڪن ساله ساتو ڪواجيڻن يڻ ترماسوق
دالم جهاد في سبيل الله. اوليه ڪران ايت،
قربواتن منيڻگن تڻگوڻجواب اين قستي اڪن
مڻوندڻ ڪمورڪائن الله سبحانه وتعالى



سباكاريمان دسبوتكن دالم فرمانش دالم سورة التوبة اية 24؛

قُلْ إِنْ كَانَ ءَابَاؤُكُمْ وَأَبْنَاؤُكُمْ وَإِخْوَانُكُمْ وَأَزْوَاجُكُمْ
وَعَشِيرَتُكُمْ وَأَمْوَالٌ اقْتَرَفْتُمُوهَا وَتِجَارَةٌ تَخْشَوْنَ
كَسَادَهَا وَمَسَاكِينُ تَرْضَوْنَهَا أَحَبَّ إِلَيْكُمْ مِّنْ أَلْفِ
وَرَسُولِهِ وَجِهَادٍ فِي سَبِيلِهِ فَتَرَبَّصُوا حَتَّى يَأْتِيَ اللَّهُ
بِأَمْرِهِ ^{قُلْ} وَاللَّهُ لَا يَهْدِي الْقَوْمَ الْفَاسِقِينَ ﴿٢٤﴾

"كاتاكنله (واهاي محمد): "جك باف ٢
كامو، انق ٢ كامو، ساودارا ٢ كامو، دان
استري ٢ (اتاو سوامي ٢) كامو، قوم كلوارك
كامو، دان هرتا بندا يغ كامو اوسهاكن، دان
قرنياكائن يغ كامو بيمبغ اكن مروسوت، دان
رومه ٢ تمت تيغكل يغ كامو سوكاءي، (جك



سمواش ايت) منجادي قركاراي ۲۱ يغ کامو چينتاي
لبيه درقد الله دان رسولش دان (درقد) برجهاد
اونتوق اکامان، مک توغکوله سهيغک الله
منداتغکن کفوتوسنش (عذابش)؛ کران الله تيدق
اکن ممبري قتونجوق کقد اورغ يغ فاسق
(درهاک) .

جوسترو، سباکاي اينديفيدو مسلم يغ
مغاكو برايماں کقد الله سبحانه وتعالی، ماريله
کيت برسام-سام معکوناکن سکالا رواغ دان
قلواغ يغ اد اونتوق ملقساناکن توکس دعوه يغ
تله دقرينتهکن اوليه الله سبحانه وتعالی کقد
کيت سموا. موده-مودهن اوسها دعوه يغ کيت
لاکوکن اين اکن منداقت کنجرن يغ ستمقل
دسيبي الله سبحانه وتعالی.



أَعُوذُ بِاللَّهِ مِنَ الشَّيْطَانِ الرَّجِيمِ
وَأَنْذِرُ بِهِ الَّذِينَ يَخَافُونَ أَنْ يُحْشَرُوا إِلَىٰ رَبِّهِمْ لَيْسَ
لَهُمْ مِنْ دُونِهِ وَلِيٌّ وَلَا شَفِيعٌ لَعَلَّهُمْ يَتَّقُونَ ﴿٥١﴾

"دان بريله امرن دغن القرءان ايت كقد
اورغ يغ راسا تاكوت بهاوا مريك اكن
دهيمقونكن كقد توهن مريك (قد هاري
قيامه)، (قدحال) تباداله باكي مريك ساورغ
قليندوغ دان تيدق جوك قمبري شفعة سلاءين
درقد الله اكر مريك برتقوى". (الأنعام : 51)

بَارَكَ اللَّهُ لِيْ وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ



الْحَكِيمِ وَتَقَبَّلَ مِنِّي وَمِنْكُمْ تِلَاوَتُهُ، إِنَّهُ هُوَ
السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ
الْمُتَّقُونَ.

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.



اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ
عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ
قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ ،
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى أَنْ

تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصَّمَدَانِيَّةِ ، جَلَالَةَ مَلِكِنَا الْمُعَظَّمِ سُلْطَانَ

سَلَخُورِ ، سُلْطَانَ شَرَفِ الدِّينِ ادریس شاه الحاج

ابن المرحوم سُلْطَانَ صَلَاحِ الدِّينِ عبد العزيز شاه

الحاج .



اللَّهُمَّ أَدِمِ الْعُونَ وَالْهَدَايَةَ وَالتَّوْفِيقَ، وَالصِّحَّةَ
وَالسَّلَامَةَ مِنْكَ، لِيَوْلِيِّ عَهْدِ سَلَاعُورِ، تَعَكُّو أَمِيرَ
شَاهِ ابْنِ السُّلْطَانِ شَرَفُ الدِّينِ اَدْرِيسِ شَاهِ
الْحَاجِ فِي أَمْنٍ وَصَلَاحٍ وَعَافِيَةٍ بِمَنْكَ وَكَرَمِكَ يَا
ذَالْجَلَالِ وَالْإِكْرَامِ. اللَّهُمَّ أَطِلْ عُمَرَهُمَا
مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيقِ الْهُدَى وَالرِّشَادِ.

يا الله، اغكاوله توهن يثغ مها بركواس، كامى
برشكور كحضرتو يثغ مليمقهن رحمة دان
نعمة، سهيغك كامى داقت منروسكن اوسها
كأره ممقركوكهكن نكارا اومت اسلام
خصوصن نكري سلاخور، سباكاي نكري
ايدامن، ماجو، سجهترا دان بركباجيقن.



جوسٽرو ڪامي قوهون ڪحضرتو يا الله،
تتفڪنله ايمان ڪامي، تيغكتڪنله عمل ڪامي،
ڪو ڪوهڪنله فرقادوان ڪامي، مورهڪنله رزقي
ڪامي، تمبهڪن ڪامي دغن علمو دان ڪماهيرن،
سوبورڪنله جيوا ڪامي دغن اخلاق موليا،
ليندوغيله ڪامي درقد اوجينمو يغ برت سقرتي
ڪماراو فنجع، بنجير بسر، وابق ڦياڪيت،
فرسغڪيتاءن، ڪمسڪينن دان لاءين ۲، سوقايا
هيدوف ڪامي اڪن سنٽياس برتمبه معمور دان
برڪة.

يا الله، بوڪاڪنله هاتي ڪامي اونٽوق
ملقساناڪن عبادة زڪاة سباڪايمان يغ تله اغڪاو
فرضوڪن. برڪتيله هيدوف اورغ يغ ملقساناڪن
تونٽوتن برزڪاة، مپايغي فقير مسڪين. سوچيڪنله
هرتا دان جيوا مريڪ، ليندوغيله ڪولوغن فقراء



دان مَسَاكِينِ درقد ككفورن دان كفقيرن يغ
برقنچغن.

دمكين جوا يا الله، تمبه دان لواسكنله رزقي
اورغ يغ موقفكن هرتاش دنكري اين، ليمقهكنله
نعمة ايمان دان كصيحتن يغ برقنچغن كقد
مريك، تريماله وقف مريك دغن كنجرن قهالا يغ
برككن هيغك كهاري اخيرة.

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩٠﴾



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.